



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

20 MAC 2022 (AHAD)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

20 MAC 2022 (AHAD)



Alexander (tengah) melancarkan program Inisiatif Pendigitalan Sektor Peruncitan (ReDI) di Arena Pekan Pangkor, Pangkor, semalam. (Foto Noor Hidayah Tanzizi/BH)

KPDNHEP pantau tepung tak bersubsidi

Pihak naikan harga mendadak boleh didakwa lakukan kesalahan mencatut

Oleh Noor Hidayah Tanzizi
bhnews@bh.com.my

Pangkor: Kementerian Perdagangan Dalam Negeri dan Hal Ehwal Pengguna (KPDNHEP) akan mengambil tindakan kepada mana-mana pihak dikesan menaikkan harga tepung tidak bersubsidi tanpa mematuhi perundangan pencatutan, terutama menjelang Ramadan ini.

Menterinya, Datuk Seri Alexander Nanta Linggi, berkata pihak berkenaan boleh didakwa melakukan kesalahan mencatut mengikut Akta Kawalan Harga dan

Antipencatutan (AKHAP) 2011.

Beliau berkata, kementerian sentiasa memantau harga tepung bersubsidi kerana ia di bawah kawalan untuk kegunaan golongan berpendapatan rendah.

"Tepung tidak bersubsidi kita tidak kawal (harga), kita pantau. Kalau naik mendadak dan tidak berpatutan, tindakan boleh dikenakan. Mungkin dikata melakukan kesalahan dari segi mencatut, kita ada undang-undang antipencatutan," katanya.

Bercakap pada sidang media selepas melancarkan program Inisiatif Pendigitalan Sektor Peruncitan (ReDI) di Arena Pekan Pangkor, di sini semalam.

Beliau berkata, orang ramai perlu membuat laporan kenaikan harga barang kepada penguat kuasa KPDNHEP supaya tindakan lanjut dapat diambil.

"Kalau ini berlaku, biarlah ada aduan rasmi, beritahu di mana tempatnya, apa kesalahannya, beri (maklumat) terus terang, jangan hanya sekadar di sosial media

atau sebut begitu saja. Kita tak dapat maklumat, kita tak boleh nak siasat," katanya.

Mengenai ReDI, Alexander berkata, pelaksanaannya di Pulau Pangkor sangat penting kerana ia akan memberi satu momentum kepada agenda digitalisasi negara, terutama untuk pemain industri sektor peruncitan.

Katanya, inisiatif KPDNHEP dengan kerjasama kerajaan negeri, Pejabat Daerah, Majlis Perbandaran Manjung (MPM) dan semua pihak berkaitan dapat merealisasikan Pulau Pangkor sebagai pulau pelopor digitalisasi ReDI di negara ini, selain sebagai pulau bebas cukai.

Katanya, ReDI menggalakkan pemain industri sektor peruncitan sentiasa seiring dengan perkembangan digitalisasi, terutama teknologi transaksi pembayaran secara digital dan memastikan ia dilaksanakan dalam keadaan selamat dari segi kesihatan (norma baharu) dan proses kewangan.



ALEXANDER (tengah) melancarkan program Inisiatif Pendigitalan Sektor Peruncitan (*Retail Digitalisation Initiative*) di Arena Pekan Pangkor, Pulau Pangkor, semalam.

900 PPH bantu penguat kuasa KPDNHEP pantau harga barang

Pangkor: Lebih 900 pegawai pemantau harga (PPH) yang bekerja secara kontrak di Kementerian Dalam Negeri dan Hal Ehwal Pengguna (KPDNHEP) akan membantu penguat kuasa kementerian melakukan pemantauan harga barang di premis perniagaan serta bazar Ramadan dan Aidilfitri di seluruh negara.

Menteri Perdagangan Dalam Negeri dan Hal Ehwal

Pengguna Datuk Seri Alexander Nanta Linggi berkata, kesemua PPH di 72 *Enforcement Command Centre* (ECC) itu akan membantu lebih 2,000 penguat kuasa kementerian yang digerakkan untuk melakukan pemantauan itu.

"Kita memerlukan kerjasama semua pihak, jadi Pertubuhan bukan kerajaan yang berkaitan dan semua (termasuk orang awam) ka-

lau boleh bantulah untuk sama-sama memantau kenaikan harga barangan keperluan.

"Kita memantau harga barang bukan sekadar pada musim perayaan saja dan kita sentiasa di lapangan sepenuh masa. Pegawai akan memberi laporan kepada Majlis Harga Barangan Negara (MHBNG)," katanya selepas melancarkan program Inisiatif Pendigitalan Sektor

Peruncitan di sini, semalam.

Kelmarin, KPDNHEP dilaporkan menggerakkan lebih 2,000 penguat kuasa bagi memantau harga barang di bazar Ramadan dan Aidilfitri di seluruh negara secara agresif.

Selain dua lokasi berkegiatan, pemantauan dan pemeriksaan turut dilaksanakan di pasar awam, pasar basah, pasar raya besar, pasar mini dan kedai runcit.

'Jangan sesuka hati naikan harga tepung tak bersubsidi'

LUMUT – Peniaga yang menaikkan harga tepung tidak bersubsidi tanpa mematuhi perundangan pencatutan boleh dikenakan tindakan undang-undang.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, mereka boleh didakwa melakukan kesalahan mencatut di bawah Akta Kawalan Harga dan Antipencatutan (AKHAP) 2011.

Menurut Alexander, KPDNHEP sentiasa memantau harga

tepung bersubsidi memandangkan ia untuk kegunaan golongan berpendapatan rendah.

Bagaimanapun, beliau memaklumkan, KPDNHEP tidak memantau harga tepung tidak bersubsidi, namun pihaknya akan mengambil tindakan sekiranya terdapat aduan orang ramai mengenai kenaikan harga yang mendadak.

"Jadi yang tidak bersubsidi itu kita tidak pantau, namun kalau naik mendadak dan tidak berpatutan kita boleh ambil tindakan."

"Mereka ini mungkin boleh dikatakan melakukan kesalahan dari segi mencatut, kita ada undang-undang antipencatutan," katanya sebagai mengulas mengenai kenaikan harga tepung tidak bersubsidi menjelang Ramadan dan Hari Raya Aidilfitri.

Terdahulu, beliau hadir merasmikan Majlis Pelancaran Program Inisiatif Pendigitalan Sektor Peruncitan (ReDI) di Pulau Pangkor di sini.

Alexander turut menasihati orang ramai agar membuat ad-

uan secara rasmi sekiranya berlaku kenaikan harga tepung tidak bersubsidi dan serta barangan lain.

"Kalau ini berlaku seperti mana saya sebut biarlah ada aduan, secara lebih rasmi dan beritahu di mana tempatnya, apa kesalahannya."

"Berilah secara terus terang dan jangan hanya sekadar di sosial media atau sebut begitu sahaja kerana kalau tidak dapat maklumat kita tak boleh nak siasat," katanya.



ALEXANDER

UNSUBSIDISED ITEM

'DON'T HIKE FLOUR PRICE DURING RAMADAN'

Stern action will be taken over unreasonable price increases, warns minister

ZAHRA'ULHAYAT MAT ARIF
PANGKOR
news@nst.com.my

THE Domestic Trade and Consumer Affairs Ministry yesterday warned of stern action against those who increased the price of unsubsidised flour during Ramadan.

Minister Datuk Seri Alexander Nanta Linggi said enforcement personnel would carry out fre-

quent checks after receiving complaints. He said the ministry would take action against those who commit such offences.

"Flour is not a price-controlled item, but traders should not increase the price.

"Subsidised items help the low-income group to buy them at a controlled price.

"However, when it comes to unsubsidised items, we still monitor. If the prices increase unreasonably, we can take action."

He said individuals could be fined RM15,000 or jailed up to two years. Companies risk a fine of RM25,000 upon conviction.

Nanta was speaking to reporters after launching the Retail Digitalisation Initiative (ReDI) at Arena Pangkor here yesterday.

He also called on consumers to lodge official complaints with the

ministry if they were aware of any drastic price increases.

"If such a thing occurs, lodge a report. Tell us where and what the offence is. Tell us the truth, and not via social media. If we can't get exact details, we can't launch an investigation."

It was reported that the price of unsubsidised flour increased by RM1 per box over the past two weeks.

It is learnt that wholesalers had informed manufacturers to increase prices due to various factors, which forced traders to increase the price.

Meanwhile, Nanta said 3,347 micro and small traders nationwide had participated in ReDI up to March 15.

He said the traders and their customers used e-wallets in their business transactions.



Domestic Trade and Consumer Affairs Minister Datuk Seri Alexander Nanta Linggi (left) pasting a Retail Digitalisation Initiative sticker at a store in Pangkor yesterday. PIC BY NOOR HIDAYAH TANZIZI